

خبرنگار محاکمات

جمعه ایرتسی

نومرو	ربع الآخر	سنة	تموز	سنة	صحيفة
۱۰۹۴	۱۶	۱۳۱۸	۲۹	۱۳۱۶	۱۵۳۷۱

(اشبه غزته بهر هفته جمعه ایرتسی کوندری جبقار . من لکی در سعادت ایچونه مجیدیه یلکرمی غروسه)
 (مسایله التمه غروسدر . طرهر لر ایچونه اوده بسه غروسه یوسه اهرتی ضم اولنور . بهر)
 (نسخته سی بنه مجیدیه یلکرمی غروسه اولوهر اوزره یوزیاریه هربرده صایاور . درج اولنجه اعلانانک)
 (هربرنده بر مجیدیه اهن اولنور . من لکنه مشتری اولوهر استیاند عدیه نظارتی داره مندره لائیه هربرده)
 (محاکم اداره منه مراجعت ایلعلیدر .)

قسم غیر رسمی

تعیین قلنان کونده ایضاحات شفاهیله لریله باش
 مدعی عمومی معاونی سعادتلو احمد بکک مطالعه سی
 استماع قلندی .

دیوریک بدایت حکمه سندن ۴ ایلول سنه
 ۳۰۱ تاریخچی ویکرمی طقوز عددی ایله صادر
 اولان اعلامک تمیزینی استعدا ایتش اولان
 بلاطده دقیق دکرماننده ساکن زاده یان اوخانس
 وکیل و یچن افندی ایله مدعی علیه دیوریک
 قضاسنک ظماره قریه سنده مقیم میساقیان
 بدروسک وکیل کیغورق علیکسانیان افندینک

اعلامک حکمی مرقوم میساق اوغلی
 بدروسک مرقوم اوخانس ذمتده با اعلام محکوم به
 اله جنی اولان ایکیک و برقطعه سند منطوقجه
 بیک قرق درت غروشک تحصیلی حقنده اقامه
 ایلدیکی دعوانک اولایا غیاباً وکیل مسخر حضوری
 ومؤخرأ مدعی علیه اوخانسک اجابت ایتسندن

ناشی انك مواجهه سی ايله اجرا قلنان تدقیقات
نتیجه سنده مرقوم اوخانس اغانك الی لیرا قرق
اوج غروش محکومیتنه قرار ویرلایکنندن
ومستدعی وکیلنك حکم مذکور علیهنده کی
اعتراضاتنك خلاصه سی دعوی واقعه ده مرور
زمان اولدینی ادا اولنمشیکن نظر دفته التماسی
مغایر قانون ایدوکنندن اعلامك نقضی ومدعی علیه
وکیلنك نتیجه جوابی حکم واقع موافق قانون
اولدیغندن اعلامك تصدیقی طلبندن عبارت
بولنمشدر

ایجابی مذاکره اولندقدن انشای محاکمه ده
مستند ادا اولان سندله تجارت اعلامی
تاریخلرینه نظراً دعوی مذکورده مرور زمان
اولدینی ومدعی علیهنك مدعینك دعواسته قارشو
اقراری سبق ایتموب مدافعه وحالادینی اولدینی
انکارده بولندینی مندرجات اعلامدن منقهم
اولش ومدعی علیه مدعینك دعواسی وجهله
حالاکندوسنده حتی اولدینی صراحة اقرار
ایتمدکجه مدافعه ضمنتده اولان اقرار ايله مرور زمان
مسئله سنك مرتفع اولیه جفی مجله نك بیک التیوز
یتمش دردنجی ماده سی مقتضاسندن بولنش اولسنه
نظراً محکمه جبه اول امرده دعوی واقعه ده
مرور زمان اولوب اولدیغنسك بالتدقیق حل

مدلولو سنجای داخلنده مانده مانده ناحیه سنك
قوقیده قریه سی اهالیسندن قره محمد اوغلی علی
دای ايله مانده مانده قصبه سنده مقیم تجارندن
پنایوط قومیل یئینده متحدث دعوايه دائر
مانده مانده بدایت محکمه سندن ۱۱ کانون اول

سنه ۳۱۳ تاریخی ویکرمی الی عددی ايله ویریلان
اعلام مزبور علی دای جانبندن تمیز اولمغله
اعلام مذکور طرفینك اعتراض وجواب
لایحله لایله بالمطالعه تدقیقات تمیزیه اجراسنه ابتدار
قلندی

اعلام مذکورك خلاصه مآلی مرقوم
پنایوطك مزبور علی دای ذمتده باسند سیم
مجدی اوتوز اوج غروش حسابیه التیوز الی
ایکی وبا دفتر بیک یتمش ایکی غروش اون پاره که
جمعاً بیک یدییوز یکریمی درت غروش اون پاره
اله جفی اولمغله مع فائض تحصیل طلب ودعوی
وبرقطه سند ابراز واعطا ایتسی ومدعی علیه
علینك دعوت واقعه به اجابت ایتامسی اوزرینه
وکیل مسخر حضوریه سبق ایدن محاکمه
وتدقیقات نتیجه سنده مبلغ مدعاهنك عندالاعتراض
اثبات ویمینه تعلیقاً مدعی علیه غائب مرقومدن
مع فائض تحصیل حکمدن ومستدعی تمیز علینك
اشبو حکم علیهنده لایحه سنده محرر اعتراضاتنك
باشلو جه سی وکیل مسخر انکاری اوزرینه
مدعی به دعواسی اثبات ایتدیرمك لازم کلور
ایکن اثبات مدعا ایتدیر لمکسزین مبلغ مدعاهنك
تحت حکمه التمسی یولسز ومغایر اصول وقانون

اولدیغندن بحیثه اعلامك نقضی استدعاسندن
ومدعی علیه مرقوم پنایوطك لایحه سنده مندرج
نتیجه جوابی دخی حکم واقع موافق اصول
وقانون ایدوکی بیانیله اعتراضات مسروده نك
ردی واعلام مذکورك تصدیقی طلبندن عبارت
بولنمشدر

ایجابی مذاکره اولندقدن اعلام مذکور
مآلندن مستبان اولدینی اوزره وقوعبولان دعوت
مدعی علیه علی داینك اجابت ایتامسی اوزرینه
محافظه حقوقی ضمنتده محکمه جبه تعیین قلنان وکیل
مسخر حضورنده مبرز سند زیرنده کی مهرک
اصول محاکمه حقوقیه قانوننك تطبیق خط وخاتم
فصلنه توفیقاً تدقیقی اقتضا ایدر ایکن بوجهت
اجرا ایدلمکسزین اعتراض وقوعنده اثبات ویمینه
تعلیقاً ایجابیه باقلمق اوزره تحت حکمه التمسی
یولسز ومغایر اصول وقانون اولدیغندن اصول
محاکمه حقوقیه قانوننك اکیوز اوتوز ایکنجی
واکیوز قرق برنجی ماده لری موجبجه اعلام
مذکورك نقضیه قانون مزبورك اکیوز قرق
دردنجی ماده سی حکمنه توفیقاً کیفیتک بروجه
مشروح اعلامه ربطی ضمنتده محکمه مذکوریه
اعاده سنه وزیرده مفرداتی مرقم اوجیوز طقسان
اوج غروش مصارف تمیزیه نك ایلروده

حقسز چيقه جق طرفه رجوع ايتك اوزره
اول امرده مستدعي تميز علي دايدين اخذينه
۲۳ تموز سنه ۳۱۴ تاريخسنده اكثريت آرا ايله
قرار ویرلدى .

وان ولايتى داخلنده عادلجواز قضاسنك
مورخوص قريه سنده مقيم يوسف اغا ايله بتليسلى
اولوب قضای مذکورك مانيك قريه سنده ساكن
حاجى طيب اوغللى حاجى محمد وحاجى عبدالغنى
افنديلر يئىنلرلنده متكون دعوايه دائر وان
استيناف محكمه سندن ۱۰ حزينان سنه ۳۱۵
تاريخى واوچ عددی ايله ویريلان اعلام مرقوم
يوسف اغا طرفندن تميز ايدلمكله اعلام مذکور
يالکز مستدعي مرقومك اعتراض لايحه سييله
بالمطالعه تدقيقات تميزه اجرا سنه ابتدار قلندى

اعلام مذکورك خلاصه مالى مومى اليهما
حاجى محمد وعبد الغنى افنديلرک با طابو تحت
تصرفلرلنده بولنان مذکور مانيك قريه سنك زيارت
تپهسى و اينارجق نام موقعنده کائن معلوم الحدود

ترلا وچاير ومرعالي رينه مرقوم يوسف اغا طرفندن
فضولاً وقوعبولان مداخله نك منعنه دائر عادلجواز
بدایت محكمه سندن صادر اولان اعلام عليهنده
مرقوم يوسف اغا طرفندن استيناف دعوايه قيام
ايدلمسى واسباب قانونيه مبنى اعلام مستأنف بهك
فسخى اوزرينه جريان ايدن محاكمه وتدقيقات
استينافيه نتيجه سنده مدعيلرک دعواسنه قارشو
مدعى عليه يوسف منازع فيه اراضيك بولندينى
محل مورخوص قريهسى حدودى داخلنده
اولوب کندو طرفندن ابراز اولنان سندات خاقانى
موجبجه قرق سنه دنيرو تحت تصرفنده اولديغنى
ومرعا ايسه مذکور مورخوص قريه سنك عموم
اهالي سنه مخصوص اراضيدن بولنديغنى درميان
ايلكده ايسه ده مدعيلر ابراز ايلدكلرى طابو
سندنده محرر ومانيك قريه سنك زيارت تپه سنده
واقع معلوم الحدود سكرز قطعه ترلا وبرقطعه
چايرايله مرعايه با طابو شراء متصرف اولدقلىرى
بيان ايدوب کندولرى دخی ذى اليد بولندقلىرينه
وبومثللو ملك مطلق دعواسنده خارجك پنهسى
اولى اولوب مبرز طابو قوچانى دخی مضمونيله
عمل اولنور سنداتدن معدود اولديغنه بناء
مجله نك بيك يديوز اللى سكرزنجى مادهسى
موجبجه اقامه واستماع اولنوب لى التزكيه

عدالتلرى تحقق ايدن شهودك شهادتلىيله سند
وقوچان مضمونى ثابت اولوب مجله نك بيك سكرز
يوز اون سكرزنجى مادهسى حكمه توفيقاً
مدعى عليه يوسف اغانك منازع فيه اراضى
ومرعا وچايره بيوجه وقوعبولان معارضه
ومداخله سنك منعيله مدعيلر يئىنلرلنده ابقاسنه
حكمدن ومستدعينك اشبو حكم عليهنده
لايحه سنده محرر اعتراضاتك باشلوجهسى
کندوسى منازع فيه اراضيه قرق سنه دنيرو
مستقلاً متصرف اولديغنى وبونى تواتراً اثبات
ايدىجكنى بيان ايتديكى حالده تواترك خلاصه پينه
استماع اولمى واستماع اولنان شاهدلرک خصم
مواجهه سنده تزكيه لرى لازم كلور ايكن امر
تزكيه نك بدایت محكمهسى واسطه سييله اجرا
ايتديرلمسى مغاير قانون اولديغندن بحثله اعلامك
نقضى استدعاسندن عبارت بولمشدر

ايجابى مذاكره اولندقدده اعلام مذکور
مألندن منفهم اولديغنى اوزره منازع فيه اراضيه
اباعن جد متصرف اولديغنى مدعى عليه يوسف
اغا طرفندن بيان ايدلمسنة نظراً بوجهت مدعيلر
طرفندن انكار ايدلىكى صورتده مدعى عليهن
پينه طلب ايديلهرك تبين ايدىجك حاله كوره
حكم ايدلمك لازم كلور ايكن بوبولده اجراى معامله

اولنديغنى كى استماع قلنان شهودك دخی طرفينك
وياخود وکیللرينك حضورلرلنده تزكيه ايدلمسى
مخالف قانون اولديغندن اصول محاكمه حقوقيه
قانوننك ايكيوز اوتوز ايكنجى وايكيوز قرق
برنجى ماده لرى موجبجه اعلام مذکورك تفضيله
قانون مذکورك ايكيوز قرق درديجى مادهسى
حكمه توفيقاً كيفيتك بروجه مشروح اغلامه
ربطى ضمنتده محكمه مذکوريه اعاده سنه وزيرده
مفرداتى مرقم درتيوز طقسان بر بيق غروش
مصارف تميزيه نك ايلروده حقسز چيقه جق طرفه
رجوع ايتك اوزره اول امرده مستدعي تميز
يوسف اغادن النمسنة ۱۳ نيسان سنه ۳۱۶ تاريخنده
متفقاً قرار ویرلدى .

بشكطاشده حسن پاشا دره سنده بلا نومرو
خانه ده مقيم احباب املا كدن وقهوه جى اصنافندن
ابراهيم افندى ايله طوبخانه ده اتمكجى باشى
مجله سنده بلا نومرو خانه ده ساكن حافظ محمد
افندى يئىنلنده متحدث دعوايه دائر بك اوغلى بدایت
محكمهسى ايكنجى حقوق دائره سندن ۴ حزينان

سنه ۳۱۳ تاریخی و طقسان بر عددی ایل ویریلان
اعلام مومی الیه ابراهیم افندی جانبندن تمیز
ایلمکله اعلام مذکور طرفینک اعتراض و جواب
لایحه لریله بالمطالعہ تدقیقات تمیزیہ اجراسنه
استدار اولندی

اعلام مذکورک خلاصه مالی مومی الیه
حافظ محمد افندی مزبور ابراهیم افندیکنک با
قونطوراتو تحت استیجارنده بولسان طوپخانه ده
بوغاز کسان جاده سنده کاش خزینہ خاصه شاهانه
عقاراندن ایکی ودرت نومرو ایلہ مرقم قهوه
خانه دروننده کی موجود اشیائی سکسان بش
عدد عثمانلی لیراسی مقابلنده کندوسنه بیع
وفروخت ایدوب اوتوز لیراسنی دخی بروجہ پیشین
اخذ و قبض ایدرک متبایسی دخی اون سکز ماه صکره
تأدیہ ایدلسی و مبلغ مذکورک حین تأدیہ سنه دکیں
مذکور قهوه خانه نک خزینہ مشار الیها ایلہ اولان
قونطوراتوسی کندی عهده سنده قالمسی و بدل
ایجار اولان التي بحق لیرانک ماه ماه کندوسنه
اعطاسی اولبایده عقد ایدیلان مقاوله نامه
اقتضاسندن اولدینی حالده مؤخرأ مزبور ابراهیم
افندی کندوسی مذکور قهوه خانه دن جبرأ طرد
واخراج ایلش اولدیغندن بحثله اقدیحه ویرمش

اولدینی اوتوز عدد عثمانلی لیراسیله مشترک
ذمتنده کی قهوه پاره سنک و بدل ایجاردن ایکوز
اللی و کندوسی طرفندن النان اشیا و صندالیه
مصارف تمیزیہ سی اولان بشیوز اللی غرو شک
دخی معاً تحصیلی خصوصتک تحت حکمه النمنی
طلب و دعوی و برقطعه مقاوله نامه ابراز واعطا
ایتمسنه قارشو مدعی علیه ابراهیم افندی دخی
مذکور قهوه خانه نی طرفندن اداره ایدلمک و بدل
ایجاری اولان التي بحق لیرای عثمانینک دخی
کندوسنه اعطا و فضله سندن استفاده ایتک
شرطیله مومی الیه محمد افندی به تسلیم ایتمش
اولدینی و بدل ایجاری دخی اوچیوز اون ایکی
سنه سی کانون ثانی غایه سنه قدر قبض ایدلکی و تاریخ
مذکور دن صوکره مومی الیه محمد افندی بدل
ایجاری تأدیہ ایدم دیکندن مذکور قهوه خانه نی
استرداد ایدلکی بالافاده سکسان بش لیرای
عثمانی مقابلنده موجود اشیائی بیع و فروخت
ایتمدیکنی و اوتوز عدد لیرا دخی بروجہ پیشین
المدینی تذکار و کندو اداره سی زماننده مشتری
ذمتنده کی الهجنی و صندالیه تمیزی مدعی محمد
افندی به عايد اولدینی جهته کندوسندن مطالبه به
حق اولدینی مدافعه درمیان و اخیراً ویردیکی
صريحاً له مذکور قهوه خانه نی اولوجهله مدعی

یولسز و مغایر قانون اولدیغندن بحثله اعلامک
نقضی استدعاسندن و مدعی علیه حافظ محمد
افدینک لایحه سنده مندرج نتیجه جوابی دخی
حکم واقع ووافق اصول و قانون ایدوکی بیانیله
اعتراض مسرودک ردیله اعلامک تصدیقی طلبندن
عبارت بولمشدر

ایجابی مذاکره اولندقه اعلام مذکور
مألندن منقهم اولدینی اوزره محکمه مذکور جه
مدعا به اشیانک مستدعی تمیز ابراهیم افندی طرفندن
اخذ و تسلیم اولدینی ثابت اولسنه بناء ثمن اشیا
اوله رق المش اولدینی اوتوز لیرانک اعاده سنه
حکم ایدلمش ایسده اشیاء مذکورنک ابراهیم
افندی طرفندن حافظ محمد افندی به مقدما بیع
اولدینی مبرز مقاوله نامه و طرفینک اعتراضیله
مثبت ایکن و عقد بیعک فسخنه دائر میدانده بر
دعوی یوق ایکن اشیانک مستدعی تمیز یدنده
ایقاسیله ثمن مبیع اوله رق الدینی ایتچنک اعاده سنه
حکم اولنسی یولسز و مغایر قانون اولدیغندن
اصول محاکمه حقوقیه قانوننک ایکوز اوتوز
ایکنجی ماده سی موجبجه اعلام مذکورک نقضیله
قانون مذکورک ایکوز قرق دردیجی ماده سی
حکمه توفیقاً کیفیتک بالرؤیه اعلامه ربطی ضمیمه
محکمه مذکوریه اعاده سنه وزیرده مفرداتی مرقم

مرقومه تسلیم ایتمش و دروننده کی اشیائی دخی سکسان
بش لیرایه مدعی به فروخت ایدرک اوتوز لیراسنی
دخی پیشین اخذ ایتمش ایسده مقسطاً ایفا
اولنه جق اللی بش لیرادن متراکم اوتوز لیرانک
تحت حکمه النمنی و قهوه خانه نی تسلیم ایتماش
اولدیغندن بدل ایجارینک خزینہ خاصه به ویرلمک
اوزره طرفنه ویرلسنی ادعا ایتسی اوزرینه
اولبایده اجرا قلنان محاکمه و تدقیقات نتیجه سنده
مزبور حافظ افدینک مذکور قهوه خانه نی مزبور
ابراهیم افندی به بروجہ محرر تسلیم وانک دخی
تسلیم ایتدیکی عدل و مقبول الشهاده ایدوکلری
تحقق ایدن شهود مستمعنک شهادت لریله تحقیق
وتبین ایتمش اولدیغندن مدعی علیه مزبور
ابراهیم افدینک سرد ایدلکی دفع دعوانک ردیله
مدعا به اوتوز عدد عثمانلی لیراسنک کندوسندن
تحصیلنه و مدعی مومی الیه دخی مصارف تمیزیه
و مشتری ذمتنده کی قهوه پاره سی ادعاسنک ردینه
حکمدن و مستدعی تمیز ابراهیم افدینک اشبو
حکم علیهنده لایحه سنده محرر اعتراضاتنک
باشلوجه سی مومی الیه حافظ محمد افندی به بیع
ایتمش اولدینی اشیا بدلنه محسوباً النان اوتوز
لیرانک قاله بیعه دائر مدعی طرفندن بر دعوی
اقامه اولنمدینی جهته استردادینه حکم اولنسی

اوچوز سكرسان سكر بچق غروش مصارف
تميزيه نك ايلروده حقسنر چيقه جق طرفه رجوع
ايمك اوزره اول امرده مستدعي تميز ابراهيم
افديدن اخذينه ۹ تموز سنه ۳۱۳ تاريخده متفقاً
قرار ويرلدى .

قوزانه قصبه سنك صارى پاستو محله سى
ساكنه لرندن واسيلكى والى بنت حارس بارداه
ايله استانبولده ات ميدانده بش نومرولى
خانه ده ساكنه قترينه بنت نانوبارداقه يينده محدث
دعوايه دائر مناستر استيناف محكمه سى حقوق
دائرة سندن ۴ كانون اول سنه ۳۱۲ تاريخى واون
يدى عددى ايله ويريلان اعلام مزبوره قترينه
قادين طرفندن تميز ايدملكه اعتراض وجواب
لايحه لريله برلشديريله رك بالمطالعه تدقيقات تميزيه
اجراسنه ابتدار اولدى

اعلام مذكورك خلاصه مالى مزبوره
قترينه قادين ايله مزبور تان واسيلكى والى قادينلر
يئنده محدث دعوايه دائر بديا صادر اولان

حكم غياييه قترينه قادين جانبدن عدم قضاعله
استيناف دعوى ايدلسى ويوم معينده مستأنف
عليه مانك دعوت اجابت ايتامسى اوزرينه اعلام
مستأنف بهك اسباب قانونيه دن ناشى فسخيله
دعوت واقعه يه اجابت ايتيان مستأنف عليه ما
بديا مدعى بولند قلدن حق دعوى ومحاكمه لرنيك
موقه سقوطنه دائر غيايياً ويريلان اعلام استينافى
حكمه مزبور تان واسيلكى والى قادينلر طرفندن
عدم قضاعله اعتراض على الحكم استدعاسى
اعطا قلمسى اوزرينه جريان ايدن محاكمه
استينافيه نتيجه سنده مستأنفه طرفندن استيناف
ايديلان اعلام غيايى عليه نه مستأنفه مزبوره
طرفندن محلى بديا محكمه سنده اعطا قلنان
اعتراض على الحكم استدعاسنك رديله اعلام
غيايى مذكور تصديق ايدلش اولمسيه اعلام
مستأنف بهك حكمى قلمامش اولدينى حالده
استيناف ايدلش وبوكى اعلامك استينافى ايسه
غير جائز بولشمش اولديغندن بختله دعواى
استينافيه نك رديله دعوانك حال سابقته ارجاعى
مستأنف عليه مانك طلب ودعوى واعلام
مستأنف بهك تصديقى متضمن برقطعه اعلام
ابتدائى اراز واعطا ايتلميه قارشو مستأنفه
قترينه قادين دخى كندوسنك بديا اعتراض

على الحكم ايتديكى انكار ايله برابر مبرز اعلام
ابتدائيك ساخته لكى مدافعه ادا ايلش ايسه ده
مزبوره نك بديا صادر اولان حكم غياييه عدم
قضاعله اعتراض على الحكم استدعاسى اعطا
ايدليكى وانك اوزرينه وجاهاً جريان ايدن
محاكمه ده حكم غيايى مذكور تصديق قلنه رق
بوصورتله حكم غياييك وجودى قالمدينى حالده
استيناف ايدليكى اكلاشمش اولدينى كى حكم
وجاهى يى متضمن اولان مبرز اعلام ابتدائيك
ساخته لكى تحقق ايتامش اولديغنه بئاً مزبوره نك
سالف الذكر حكم غيايى حقه ده كى دعواى
استينافيه سنك رديله دعواى واقعه نك حال سابقته
ارجاعنه حكمدن ومستدعيه نك اشبو حكم
عليه نه لايحه سنده محرر اعتراضاتك خلاصه سى
بديا صادر اولان حكم غيايى عند الاعتراض تأييد
وتصديق ايدملكه استيناف ايديله بيله جكى قانون
اقتضاسندن ايكن عند الاستيناف حكم غيايى
مذكور عليه نه اعتراض على الحكم ايدليكى
وحكم غياييك وجودى اولدينى سر رشته سيله
دعواى استينافيه نك رد ايدلسى مخالف قانون
اولديغندن بختله اعلامك نقضى استدعاسندن
ومدعى عليه مانك لايحه لرند محرر نتيجه جوابلرى

دخى اعتراضات واقعه نك واهى وبى اساس
اولدينى بيانيله ردى وموافق اصول وقانون
اولان اعلامك تصديق طلبندن عبارت بولشمشدر
ايجابى لى المذاكره اعلام مذكور
مندرجاتندن منضم اولدينى اوزره دعواى واقعه
حقنه اولجه غيايياً واعتراض على الحكم اوزرينه
وجاهاً ويرلديكى اعلام تميز بهده بيان ايديلان
ايكى قطعه اعلامك اساس دعوانك اكلاشمسى
ايچون عينا وياخود معنای صحیح مستفاد اولور
صورته مالا اعلام تميز به درج ايدلسى مقتضى
بولندينى حالده بوجهتلك مسكوت براغلسى
حسبيله دعواى واقعه وطرفينك ادا ومدافعاتى
تمليه اكلاشميله مديغندن اصول محاكمه حقوقيه
قانوننك ايكيوز اوتوز ايكنجى ماده سى موجبجه
اعلام مذكورك نقضيله قانون مذكورك ايكيوز
قرق درنجى ماده سى حكمه توفيقاً كيفيتك
بالرؤيه اعلامه ربطى ضمننده محكمه مذكوره يه
اعاده سنه ومستدعيه نك فقر حالى جهتيه قيديه
وصورت خرجلرندن عقوبله زيده مفرداتى
مرفق ايكيوز يكرمى اوچ بچق غروش مصارف
سارنه نك ايلروده حقسنر چيقه جق طرفه رجوع
ايمك اوزره اول امرده مستدعيه دن استيفاسنه

۸ کانون ثانی سنه ۳۱۳ تاریخنده متفقاً قرار ویرلدی .

معموره العزیز قصبه سنده مقیم تجارندن فابریقه طور خسرووف وخرپوتلیان اوخانس واغوب ایله حلبده وزیر خاندن مقیم تجارندن قره بت عجمیان بیننده متحدت دعویاه دار معموره العزیز بدایت محکمه سندن ۲۴ اغستوس سنه ۳۱۲ تاریخچی وطقسان ایکی عددی ایله ویریلان اعلام مرقوم خسرووف ورفقاسی طرفلرندن تمیز اولمغله اعلام مذکور یالکز مستدعیلرک اعتراض لایحه سیله بالمطالعه تدقیقات تمیزیه اجراسته ابتدار اولندی

اعلام مذکورک خلاصه مالی مرقوم قره بت طرفندن مزبور خرپوتلیان اوخانس امرینه استانبولده مناستر خاندن ساکن اکیزیان اوخانس اوزرینه کشیده ایدیلوب متسلسلاً ایقاولان برادرلرک امرینه جیرو و مرقوم اکیزیان اوخانس افندی طرفندن قبول ایدلمش اولان

پولیجه نك بدلی مدتی ختامنده مرقوم اوخانس جانبندن تأدیه ایدلمدیکندن ایقاولان طرفندن پروتستو ایدیلهرک کندوسنه پولیجه بی بالاعاده مذکور یوز قرق لیرایی المش اولدینی حقنده پولیجه ظهرنده امضاسی چیزکی ایله اشارت وخطر ایتمش اولدیغندن چرانتیه وکشیده جی یکدیگرینه کفیل وضامن اولدقلرندن هر برینه مراجعتده مختار بولمغله پولیجه بی کشیده ایدن خسرووف وچرانتیه جی اوخانس واغوبک هر برلرندن پولیجه نك حاوی اولدینی یوز قرق لیرانک مع فائض تحصیلیه مدیونک بعض اموالی اوزرینه وضع اولنان حجزک تصدیقنی طلب ودعوی و برقطعه پروتستو ورقه سی ابراز ایتسنه قارشو مدعی علیهمدن خسرووف و دیگر لرینک وکیلی سرکس افندی دخی اکیزیانک اطنه لیان واسطه سیله کورکیانه با تلغراف کشیده ایدلیکی ایکوز لیرا میانده یوز قرق لیرایی ایقاولانه تلغرافله تأدیه ایدلمدیکندن مرقوم قره بتک کندولرینه مراجعتیه حق قالمدیغنی مدافعه انبا و برقطعه تلغراف قوییه سی ابراز ایتلری اوزرینه اولباید جریان ایدن محاکمه و تدقیقات نتیجه سنده تلغرافک حاوی اولدینی مبلغ ایله پولیجه بدلی بیننده مقدارجه مخالفت اولدینی کبی پولیجه نك تاریخیه تلغرافک

تاریخچی توافق ایتدیکی و تلغرافله چیقاریلان ایکوز لیرا میانده پولیجه بدلی اولان یوز قرق لیرانک تأدیه اولدیفنه دار متن تلغرافده برصراحت کوریه مدیکی کبی یوز قرق لیرانک کوندولرینی حقنده مدعی علم یدلرنده دیگر اوراق معتبره دخی اولدیغنه بناء مرقومون وکیلی سرکس افندی نك ادعاسنک ردیه قانون تجارتک یتمش التنجی وطقسان یدنجی ماده لری حکمنه توفیقاً مبلغ مدعایک پروتستو تاریخندن اعتباراً مع فائض مرقومون خسرووف و اوخانس واغوبدن بالتحصیل مدعی به اعطاسنه وحجز مذکورک تصدیقنه حکمدن و مستدعیلرک اشبو اعلام علیهنده لایحه لرنده محرر باشلوجه اعتراضلری بر مبلغک بر محل معینده اعطا و تسلیمی حقنده عقد ایدیلان بر مقاوله مخصوصه احکامنک عدم اجراسندن طولای ادعا اولنان تضمیناتک قبول و تحت حکمه الیه یلسی مدعی طرفندن اصولی اوزره و موقع رسمینی معرفتیه متعهده پروتستو ورقه سیله اخطار و تبلیغ ایدلمکه متوقف اولوب بلا اخطار اندن طلب اولنان تضمیناتک لازم کلیه جکی بدییی ایکن بورالرینک نظر دفته التامسی مخالف قانون اولدیغندن بحثله اعلام مذکورک نقضی استدعاسندن عبارت بولمشدر

ایجابی لدی المذاکره اعلام مذکورک نتیجه مفادی کشیده جی مرقوم خسرووف حقنده کی حکم اسباب موجبیه مستند و اصول و قانونه موافق کورلمش اولدیغندن بوجهت حکمیه نك تصدیقنه وچرانتیه لر بولنان اغوب و اوخانس پروتستو تبلیغ ایدلمش اولدینی جهتله انلر حقنده کی حکم یولسز و اصول و قانونه مغایر اولدیغندن اصول محاکمه حقوقیه قانونک ایکوز قرق برنجی ماده سی موجبیه اعلام مذکورک مرقومان حقنده کی جهت حکمیه سنک نقضیه و قانون مزبورک ایکوز قرق دردیجی ماده سی حکمنه توفیقاً کیفیتک بالرؤیه اعلامه ربطی ضمنتیه محکمه مذکوریه اعاده سنه وزیرده مفرداتی مرقم اوچوز طقسان سکنز بحق فروش مصارف تمیزیه نك ایلروده حقسنز چیه جق طرفه عائد اولمق اوزره اول امرده مستدعیلرندن النسنه ۲۶ تشرین ثانی سنه ۳۱۳ تاریخنده متفقاً قرار ویرلدی .

بیو کدرده پیاچه جاده سنده سکسان ایکی
نومرولی خانه ده ساکنه ترهزه وفانی خانملر ایله
بک اوغلنده قالیونجی قوللغنده اوتوزدرت نومرولی
مغازه ده مقیم تجارتدن اندون بکمزین بیننده
متکون دعوایه دأر بک اوغلی بدایت محکمه سی
ایکنجی حقوق دأره سندن ۱۶ تشرین اول سنه
۳۱۳ تاریخلی وایکیوز اوتوزالتی عددی ایله
ویریلان اعلام مزبورتان ترهزه وفانی خانملر
طرفندن تمیز ایدملکه اعلام مذکور طرفینک
اعتراض وجواب لایحه لرله بالمطالعه تدقیقات
تمیزیه اجرا سنه ابتدار اواندی

اعلام مذکورک خلاصه مالی مرقوم
اندون مزبورتان ترهزه وفانی خانملرک بک اوغلنده
قول اوغلی زقاغنده مجدداً و قراول زقاغنده تعمیر
صورتیه انشا ایتدیردکری ایکی باب خانه نک
مالزمه انشائییه سندن مطلوبی اولان درتیک
بشیوز التمش سکز غروشک مزبورله ایله
مبلغ مذکورک تأدیه سنه کفالت ایدن اکنادن
تحصیلانی بک اوغلی بدایت محکمه سی ایکنجی حقوق
دأره سنه مراجعتله طلب ودعوی وکفالتی متضمن
برقطعه سند ابراز واعطا ایتسنه قارشو مدعی
علیهمدن اکنایه مزبور سندی کندوسی ویردیکنی

ومبلغ مذکورک تأدیه سنه کفیل اولدینگی اقرار
ومزبورتان ترهزه وفانی خانملر ایسه مرقوم
اکنا واسطه سیله التان کافه مالزمه نک ایتسنه
بشیناً اعطا ایلدکری کبی ادعا ایدیلان مبلغک
قبول وتسویه سی حقنده برکونه تعهدلری
اولدینگی جهته کندولردن نسنه طلبه مدعینک
حق اوله میه جغنی انبا ایتدکدن ومدعی اندون
ایسه مزبورتانک مالزمه انشائییه اوله رق هر نه
لازم ایسه اکنایه اعطا ایتک اوزره کندوسنه
امرا ایلدکرینی شهود شخصیه ایله درجه ثبوتیه
ایصال ایده جکنی انبا ایلدکن صوکره اخیراً
تعیین قلنان کونده مدعی علیهما مزبورتان ترهزه
وفانی خانملر وقوعبولان دعوتیه اجابت ایتماش
اولدقلردن تعیین قلنان وکیل مسخر حضوریه
جریان ایدن محاکمه وتدقیقات تیجه سنده مدعی
مرقوم اندونک مزبورتان ترهزه وفانی خانملر
ذمتنده مبرز سند موجبیه مرقوم اکنایه کفالتیه
اله جغنی اولدینگی تحقق ایدن درتیک بشیوز التمش
سکز غروشک قاض ومصارف محاکمه ایله
برلکده اصالت وکفالت جهتیله مزبورتان ایله
اکنادن تحصیلنه دأر اولایه غیاباً واعتراض
علی الحکم استدعای اوزرینه وجاهاً حکمدن
ومستدعیه تمیزلرک اشبو حکم علیهده لایحه لرنده

محرر اعتراضلرینک خلاصه سی استماع قلنان
شهود حضور حاکمک غیریده وقوعبولان اقراره
شهادت ایلدکری کبی شهود مستمه نک کندولرینه
عداوت دنیویه لری اولدینگی عند الحاکمه درمیان
ایتمش اولدقلری حالده محکمه جه طعن واقع نظر
دقتیه التمسین بروجیه محرر قرار ویرلمی
یولسز ومغایر قانون اولدینندن بمثلله اعلامک
نقضی ومدعی علیه اندونک لایحه سنده مندرج
نتیجه اجوبه سی ایسه اعتراضات مسروده نک
واهی وبی اساس اولدینگی بیانیه ردی وموافق
اصول وقانون اولان اعلامک تصدیقی طلبندن
عبارت بولمشدر

ایجابی مذاکره اولندقدیه اعلام مذکور
مطالعہ سندن منظم اولدینگی اوزره اعتراض
علی الحکم اوزرینه جریان ایدن محاکمه ده
تصدیقته قرار ویریلان اعلامک حاوی اولدینگی
حکمک مستندی اولان شاهدلرک مشهودیهده
منفعتلری بولسیدینگی جهته شهادتلرینک معتبر
اوله میه جغنی ادعا ایدلسنه وفی الحقیقه شاهدان
مرقومانک مستدعیه تمیزلرک اینه سنده استخدام
اولملرینه نظراً بوباده بی طرف اوله میه جقلرینه
نظراً دیگر شاهدلرک استماع اولتمی و دیگر
شهود دخی مرتبه کافیهده کوریه من ایسه

مرقومانه یمین تکلیف ایدلسی لازم کلور ایکن
محکمه جه بوجهتلردن ذهول اولتمی یولسز
ومغایر قانون اولدینغه ومستدعیه لرک اعتراض
دخی بوجهته متدأر اوله رق شایان قبول بولمسنه
مبنی اصول محاکمه حقوقیه قانوننک اکیوز
اوتوز ایکنجی ماده سی موجبیه اعلام مذکورک
نقضیه قانون مذکورک اکیوز قرق دردیجی
ماده سی حکمنه توفیقاً کیفیتک صور محرره
دأره سنده اعلامه ربطی ضمننده محکمه مذکوریه
اعاده سنه وزیرده مفرداتی مرقم اوچوز طقسان
سکز بچق غروش مصارف تمیزیه نک ایلروده
حقسنر حقیقه جق طرفه رجوع ایتک اوزره
اول امرده مستدعیه لر دن التمسنه ۲ کانون اول
سنه ۳۱۳ تاریخنده متفقاً قرار ویرلیدی .

صالقم سکودده طقسان بر نومرولی خانه ده
ساکنه حاجه هدایت خانم ایله محل مذکورده
ساکن کاغدجی حسن واصف افندی بیننده
متحدث دعوایه دأر درسعادت بدایت محکمه سی
برنجی حقوق دأره سندن ۲۵ کانون اول سنه

۳۱۳ تاریخی و سکز یوز قرق ایکي عددیله ویریلان اعلام مومی الیه واصف افندی جانبندن تمیز ایدمکله اعلام مذکور بالکیز مستدعینک اعتراض لایحه سیله بالمطالعه تدقیقات تمیزیه اجراسنه ابستدار اولندی

اعلام مذکورک خلاصه مالی مومی الیها حاجه هدایت خانم محل مذکورده واقع اولوب تحت تصرفده بولسان اوچ باب دکاندن کوشه باشنده کی الی بر نومرولی دکانی ۱ تشرین ثانی سنه ۳۱۲ تاریخندن اعتباراً سنوی اوتوز عدد و دیگرلری دخی کذلک تاریخ مذکوردن اعتباراً سنوی اوتوز الی عددکه جمعاً اوچی سنوی التمش الی عدد لیرای عثمانی بدل ایجار ایلله باقونطوراتو مومی الیه حسن واصف افندی به ایجار ایدرک بدل ایجاردن بشیک سکز یوز قرق درت غروشی التمش ایسه ده متبایسی اولان درتیک درتیوز التمش غروشی اخذواستیفایده مدیکندن ناشی مدیون مومی الیه مذکور الی بر نومرولی دکانده موجود اشیایسی مقدما محکمه جه ویریلان قرار موجبجه حجز ایدمکندن حجز مذکورک تصدیقیه مبلغ مزبورک مع فائض تحصیلی طلب ودعوی ومار الیسان قونطوراتو

سندیله بر قطعه حجزنامه ابراز واعطا التمشه قارشو مدعی علیه حسن واصف افندی دخی هر تقدیر منازع فیه دکاتلری مذکور قونطوراتو موجبجه استیجار التمش ایسه ده اوچ یوز اون اوچ سنه سی تشرین اولنده مدعی مومی الیه ایلله بیلرنده تنظیم وتعاطی قلنان عقد ثانی سنندنده محرر شروط وجهه کوشه باشنده کی دکانک ایجاری طقوز مجیدی به تزیل ایدلمش واشبو عقد ثانی ایلله مقاوله نامه اول حکمی اسقاط اولمش اولدیغندن مومی الیهانک عقد اول موجبجه ایکي بچق لیرا بدل ایجار طلبنه حتی اولدیغنی بیان وانبایلی اوزرینه اولبایده اجرا قلنان محاکمه و تدقیقات نتیجه سنده عقداولی ناطق مقاوله احکامی باقی و نافذ وعقد ثانی بی مشعر سند حکمی ایسه ساقط اولدیغنی اصولاً تبین ایتدیگندن اصول محاکمه حقوقیه قانوننک ایکوز طقسائی ماده سی موجبجه حجز مذکورک تصدیقیله مدعیه اولان درتیک درتیوز التمش غروشک مع فائض حسن واصف افندیدن تحصیلنه حکمدن واشبو حکم علیه ده مستدعی تمیز حسن واصف افندیک لایحه سننده محرر باشلوجه اعتراضی مدعی طرفندن بدایه ویریلان وبر صورتی کندوسنه تبلیغ اولنوب لفاً تقدیم

اخذینه ۱۸ شباط سنه ۳۱۳ تاریخنده متفقاً قرار ویرلدی .

قلنان عرضخالد فائض طلب اولنماش ایکن محکمه مذکورده جه بلا طلب فائض حکم اولنمی یولسز ومخالف قانون اولدیغندن بحکله اعلامک نقضی استدعاسندن عبارت بولمشدر

ایجابی مذاکره اولندقدده اعلام مذکور مألندن منفهم اولدیغنی اوزره مبلغ مدعیهک مع فائض مومی الیهدن تحصیلنه حکم اولنمش ایسه ده مدعی طرفندن محکمه به اعطا وبر صورتی مستدعی تمیزه تبلیغ ایدلمش اولان عرضخالد فائض طلب ایدلمش اولدیغندن وبومقوله بلا طلب فائض حکمی قانوناً جائز اولدیغنه بناءً محکمه مذکورده جه بلا فائض حکم اولنمی یولسز ومخالف قانون اولدیغندن ومستدعینک بالاده محرر اعتراضی دخی بوجهته متدائر اوله رقشایان قبول بولندیغنه بناءً اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک نقضیه قانون مزبورک ایکوز قرق دردیجی ماده سی حکمنه توفیقاً کیفیتک صورت مشروحه داره سننده بالرؤیه اعلامه ربطی ضمننده محکمه مذکورده اعاده سنه وزیرده مفرداتی مرقم درتیوز سکز بچق غروش مصارف تمیزیه نک ایلروده حقسنر حقیقه جق طرفه رجوع ایتک اوزره اول امرده مستدعین

اعلان

صوتیرینک قوزمه ولد یورکی ذمتنده با اعلام محکوم به مطلوبی اولان معلوم المقدار مبالغک تأمین استیفایسی ضمننده مدیون مرقومک متصرف اولدیغنی بک اوغلنده کاتب مصطفی چلبی محله سننده بالظه جی چیقمازی زقاغنده مکرر یدی نومرولی بر باب کارگیر خانه نک نصف حصه شایعه سی تحت حجزه التمش اولغله تاریخ اعلاندن اعتباراً اون بش کون صکره بالمزایده فروخته تثبیت اولنه جفی بک اوغلی بدایت محکمه سی اجرا مأموریتی جانبندن اعلان اولنور .

۱۵ جزیران سنه ۳۱۶

رقیه خانمک با اعلام نظامی فطنت خانم ذمتنده محکوم به الهجفی اولان مبالغک تأمین

فروخته تشبث اولنه جنى درسعادت اعلامات
نظاميه اجرا دائره سندن اعلان اولنور .
۱۸ تموز سنه ۳۱۶

زوويك اوغلى اغيمانك ديوريك بدايت
محكمه سى اعلامى ايله ابريك اوغلى ميقاتل ذمتنده
محكوم به اله جنى اولان مبالغك تا مبن استيفاسچون
مديون مرقومك پدى علكسان ولد ميقاتلدىن
انتقال ايلسان و محكمه مذكوره دن توارد ايندن
تحرير اتده حجز وفروختى اشعار ايديلان اون
قباني جوارنده خواجه خليل عطار محله سنده
زيرك جاده سنده واقع تخميناً اللشر آرشون
عرصه اوزرينه مبنى فوقنده برر اوطة وارقه
جهتلرنده بررمقدار باغچه يي حاوى وشهرى ايكوز
التمش غروش ايجارى محتوى سكسان سكر
نومرولى عطار وطقسان نومرولى سمرجى
اوله رق ايكي باب دكان تمامنك اون بش كون
سكره بالمزايده فروخته تشبث اولنه جنى
درسعادت اعلامات نظاميه اجرا دائره سندن
اعلان اولنور .

۲۴ تموز سنه ۳۱۶

مطبعة عامره

استيفاسچون مديونك اوچ ربعه متصرف
اولد ينى قوم قپوده قزغانى سعدى محله سنده
چيتماز اونجى زقاغنده واقع تخميناً درتيوز قرق
آرشوندىن عبارت عرصه دروننده بش اوطة
وايكي قيو وسار يي حاوى مكرر ايكي نومرولو
برباب منزلك محجوز بر ربع حصه سنك اون بش
كون سكره بالمزايده فروخته تشبث اولنه جنى
درسعادت اعلامات نظاميه اجرا دائره سندن
اعلان اولنور .

۱۵ تموز سنه ۳۱۶

بكر اغانك بدايه ويريلوب استيفافاً و تميزاً
تصديق اولنان اعلامات موجب حطبي
اصنافدن مصطفى افا ذمتنده اله جنى اولان
مبالغك تا مبن استيفاسى ايجون مديون
مرقومك عهده تصرفنده اولوب حجزاً فروختى
قرار لشديريلان قوم قپوده كوركچى باشى سليمان افا
محله سنده قيولى زقاغنده واقع تخميناً التمش
سكر آرشون عرصه اوزرينه مبنى بر باب كارا كير
خانه تمامنك اون بش كون سكره بالمزايده